

ՆՈՒԲԱՐ ՏԵՐ-ՄԻՔԱՅԵԼՅԱՆ

ԲԱՆԱՍՏԵՂԾ ՀՈԳԵՎՈՐԱԿԱՆԸ

Հայաստանյայց Առաքելական Ս. Եկեղեցու բարձրաստիճան հոգևորականներից էր Հայկազուն Արքեպիսկոպոս Աբրահամյանը: Ծնվել է Վանում 1906 թ. մայիսի 10-ին, բերդակցի հավատացյալ գյուղացու ընտանիքում, աշխարհական անվամբ՝ Հայկ: Վանի ինֆնապաշտպանությունից հետո, 1915 թ. գարնանը, 9-ամյա պատանին իր ծնողների հետ գաղթում է Արևելյան Հայաստան: Նախ հանգրվանում են Արտաշատում, ապա տեղափոխվում Երևան:

1917 թ. ուսական բանակի առաջխաղացումից հետո մեծաթիվ վանեցիներ վերադառնում են Վան, նրանց թվում նաև՝ Աբրահամյան ընտանիքը: Հաջորդ տարի, սակայն, կրկին գաղթում են Վանից և գալիս-հասնում Պարսկաստան: Գաղթի ճանապարհներին պատանի Հայկը դժբախտությունն է ունենում կորցնելու իր ընտանիքի անդամներին և 14 տարեկանում մնում որբ: Գաղթականների հետ գալիս է Բաղդատ և ապաստանում տեղի որբանոցում: Երկու տարի այստեղ մնալուց հետո, 1922 թ., իր տարեկից ու հայրենակից տղաների հետ իրեն էլ ուղարկում են Երուսաղեմ, ուր մեկ տարի տեղի որբանոցում մնալուց հետո, ընդունվում է Սրբոց Հակոբյանց վանքի Ժառանգավորաց Վարժարան: Ավարտելով այն, 1927 թ. ձեռնադրվում է սարկավագ, իսկ 1930-ին դառնում կուսակրոն ֆահանա և վերանվանվում Տ. Հայկազուն արքեպ:

1930-57 թվականներին Հայկազուն վարդապետը ծառայում է մի շարք վայրերի հայկական եկեղեցիներում. նախ Երուսաղեմի վանքում, ապա Յաֆայի հայոց Ս. Նիկողոս վանքում: 1941 թ. վերադառնալով Երուսաղեմ, վարում է պատասխանատու պաշտոններ տեղի միաբանությունում: 1954 թ. մայիսին ժամանում է Էջմիածին և մասնակցում Գևորգ Զ Ամենայն Հայոց Կաթողիկոսի թաղման արարողությանը: Հաջորդ տարի, սեպտեմբեր ամսին, վերստին գալիս է Էջմիածին և մասնակցում կաթողիկոսական ընտրություններին և այստեղ էլ 1955 թ. հոկտեմբերի 6-ին ձեռնադրվում եպիսկոպոս՝ ձեռամբ երջանկահիշատակ Վազգեն Առաջինի:

Ընդառաջելով Վազգեն Առաջին Կաթողիկոսի հրավերին, Հայկազուն եպիսկոպոսը գալիս է Մայր Աթոռ Ս. Էջմիածին և Մայրավանքում ստանձնում Հոգևոր Ճեմարանի վերատեսչի, Մայր Տաճարի Լուսարարապետի և միևնույն ժամանակ Գերագույն Հոգևոր Խորհրդի ատենապետի պատասխանատու պաշտոնները՝ դառնալով Ամենայն Հայոց Կաթողիկոսի անմիջական աջակիցը, օգնականն ու խորհրդատուն: Ի գնահատություն Մայրավանքում ծավալած արդյունավետ ու բեղուն գործունեության, Հայոց Հայրապետի հմր. 185 կոնդակով 1960 թվականի դեկտեմբերի 4-ին Հայկազուն Սրբազանին շնորհվում է Արքիպիսկոպոսի պատիվը:

Հայկազուն Արքեպիսկոպոս Աբրահամյանը հետագայում ուր որ էլ գնացել ու ծառայել է կամ այցելել ի պաշտոնե, որպես Հայրապետական Պատվիրակ կամ ժողովների ներկայացուցիչ, իր արդյունավետ գործունեությամբ միշտ սիրվել ու հարգվել է ամենուրեք՝ հայ հոգևորականության ու աշխարհով մեկ սփռված մեր ժողովրդի կողմից: Վազգեն Ա Վեհափառ Կաթողիկոսի որոշմամբ 1964-66 թթ.

նշանակվել է Ծայրագույն Արևելի Հայրապետական Պատվիրակ՝ նստավայր ունենալով Կալկաթան, ուր, բացի ընդարձակ թեմի հոգևոր սպասավորությունից, միևնույն ժամանակ վարել է տեղի Մարդասիրական Ճեմարանի վերատեսչությունն և ուսուցչական պաշտոնը՝ դասավանդելով մի քանի առարկաներ:

Հայ եկեղեցու ֆուն ու դադար չունեցող այս հոգևոր սպասավորը երկար տարիների շատ արժեքավոր իր օրագրություններն է թողել, որոնք առանձնակի արժեք ունեն հնդկահայ գաղութի պատմության և մի շարք այլ բնագավառների համար: Այս երկու ձեռագրերը, նո. նո. 661 /1965/ և 662 /1966/, պահվում են Մայր Աթոռ Ս. Էջմիածնի ձեռագրատանը և միասնաբար ունեն 1395 էջի հասնող ծավալ, մանրատառ գրությամբ:

Հայկազուն Արքեպիսկոպոսի ունեցած բոլոր պաշտոններից բացի, որպես հոգևոր սպասավոր, մանկավարժ, լուսարարապետ, ֆարոգիչ, Հայրապետական Պատվիրակ, ձեռագրի գրիչ և այլն, վերոհիշյալ երկու մատյաններից պարզվում է, որ նա ունեցել է նաև բանաստեղծի բնատուր ձիրք: Ստորև ներկայացնում ենք իր գործերից մի քանիսը դասական ուղղագրությամբ՝ ըստ բնագրի: Վերոհիշյալ երկու ձեռագրերից բացի, Մայր Աթոռի ձեռագրատանը պահվում են նաև Հայկազուն Արքեպիսկոպոս Աբրահամյանի մյուս գրական աշխատանքները՝ թվով 12 /նո. նո. 621-632/:

Նա միշտ սիրված ու հարգված է եղել Երուսաղեմում, Էջմիածնում, Հնդկաստանում և այլուր, ուր որ էլ այցելել է իր կյանքում, իր հոգևոր սպասավորության ժամանակ, ում հետ որ շփվել և տեսակցել է: Նա ուներ ֆաղցր լեզու, բարի հոգի և մարդամոտ բնավորություն: Միշտ օգնել է իրեն դիմողներին: Նա միշտ սիրված էր Մայրավանքի հոգևորականության ու պաշտոնեության կողմից:

Հայկազուն Սրբազանը վախճանվեց Մայր Աթոռում 1972 թ. հունվարի 4-ին, 66 տարեկանում, սգի մատնելով Վեհափառ Հայրապետին, վանքի միաբանությանը, պաշտոնեությանը, իր հոգևոր եղբայրներին ու ծանոթներին:

Վաստակաշատ այս հոգևորականի հուղարկավորությունը կատարվեց Ս. Գայանե վանքում, հունվարի 7-ին, Վազգեն Ա Հայրապետի նախագահությամբ: Վեհափառն իր սրտառուչ դամբանականում վախճանյալին բնութագրեց որպես «հավատավոր, բարի, ազնիվ, ծառայասեր, եկեղեցանվեր ու հայրենասեր հոգևորականի»: Նրա բարի անունն ու հիշատակը միշտ անմեռ կմնան իրեն ճանաչողների սրտում:

Ստորև ներկայացնում ենք մի փունջ Հայկազուն սրբազանի չափածո ստեղծագործություններից:

(ՀՆԴԿԵՐԷՆ ԹԱՂՄԱՆԱԿԱՆ ՔԱՌԵԱԿՆԵՐ)

/Թարգ.՝ Հայկազուն Սրբազանի/

1. Աշխարհի մէջ կայ երկու
Անլուծելի առեղծուած.
Արդեօք որտեղի՞ց եկանք
Եւ վերջ ու՞րտեղ պիտ երթանք...

2. Մենք նետեր ենք վրիպած,
Անհունի մէջ շրպըրտուած,

Ջարմոււմ ենք սարերին
Ու վայր ընկնում, ջախջախում:

3. Ուխտաւորի Հաւատքով
Եւ սկեռուն Հայացքով
Չափել խորքը աշխարհի,
Գտնել իմաստն այս կեանքի:

4. Կեանքը մի ծով է անծիր,
Անվախ սուզուիր, մաֆառիր,
Բայց այդ վսեմ պայֆարում
Սիրիր մարդկանց անխտիր:
5. Քանի՜-ֆանի սերունդներ
Մի առաւօտ երևացին
Որպէս չնչին ասուպներ,
Թըռած անհետ գնացին:
6. Այսօր դու ես, վաղը՝ նա,
Ծընւելուց յետ՝ մահը կայ,
Կուգես խնդայ, կուգես լայ,
Փռշիդ անգամ չի մնայ:
7. Աւա՛ղ որքան խարուսիկ
Յոյսեր ունին այն մարդիկ,
Որ դրամի շընորհիւ
Կուգեն ապրել երջանիկ:
8. Լինել արի և բարի,
Խըղնի դիմաց անթերի,
Հոգու թոիչֆ և խոյանֆ՝
Այդ է Աստծուն հանելի:
9. Ի վերուստ մեզ չի տրւել
Արցունքով կեանքը մաշել,
Հերոս է նա իսկապէս,
Ով որ իր բախտն է կըռել:
10. Մարդս ֆանի շունչ ունի,
Պէտք է գործի, աշխատի,
Ազգին խղճով խելացի
Անհատներ տայ կորովի:
11. Բայց թող հոգիդ վերանայ,
Աստղերի մէջ արբենայ,
Յետոյ խորունկ հաւատով
Յաւերժի հետ միանայ:

ԵՐԱ՛Չ...

/ Հանգուցեալ քրոջս՝ «Զարուհի»-ին /

Երագիս մէջ դուն այս գիշեր.
Ո՞ր ժամուն էր, ես չեմ յիշեր,
Ճերմակ էիր հագած համակ,
Զըւարթ դէմքով որպէս հրեշտակ...:
Ու գրկիդ մէջ գլուխս առած,
Տաֆ համբոյրներդ դեռ չը պաղած,
Եղար հրեշտակ, դարձար «մուրազ»,
Ինձի մընաց, պատրա՛նֆ, երա՛զ...:
Քառասուն եօթ տարիներ վերջ.
Պատկերդ հոգւոյս մէջ դեռ անշէջ,
Կուգաս նորէն, կուգաս ինձի,
Սըրբել արցունք անտէր որբի...:
Տառապանքի նամբին անծայր
Եղար ինձ հայր, եղար ինձ մայր
Ու պահեցիր կեանքս անվտանգ,
Խուժաններու սուրէն անարգ...:
Ե՞րբ պիտի գաս, ֆոյր իմ, նորէն

Քո երկնային օթևանէն,
Քեզ հետ առած մեր ծընողին,
Այցելութեան իրենց որրին....

Կալկաթա, 13 Յունիսի 1965 թ., ի գիշերի:

ՀԱՅ ՑԵՂԻ ՀԻՆՔ ԱՆՄԱՀ ՀՈԳԻՆԵՐ

Մութ խաւարի ընդերքներէն առկայծուած,
Լոյսի շող մը պահած էր մեզ Ինքն Աստուած.
Երկինք, երկիր, սանդարամետներ դողացին,
Մարդ մը կ'իջներ երկինքներէն լուսածին:
Ոսկի ուռ մը ձեռքերուն մէջ վիրաւոր,
Կըզարներ դոներն հոգիներուն սըգաւոր.
Ու դարերու խոր թմբիրէն արթընցած,
Լոյս դէմքերով կ'ողջունէին լուսարաց:
Արքայ, իշխան, տանուտէր ու հողամշակ,
Իրար խառնած, արյուն, փրտինք ու վաստակ,
Հիմքը դրին. կամարեցին, ու գմբէթներ խոյացան
Դէպի երկինք, Աստծոյ գահին մօտեցան:
ԵԿԵՂԵՑԻՆ... անմահ ՀՈԳԻՆ իմ ցեղին:

* * *

Լոյս խորանէն լոյս շողեր ցըրուեցան,
Պալատներէն, երդիքներէն ներս մըտան.
Ըստուերները հին հաւատքին չըփացան,
Սրտերն ամէն նոր սուրբ լոյսով փայլեցան:
Ու դարձաւ սուրբ կրակն անմար ճըրագին,
Հայրը որդւով, Մայր դստերով կաթոգին.
Ծունկ են դըրած առջև սիրոյ խորանին,
Հաւատարիմ իրենց կնքած մեծ Ուխտին:
Ու սըրբութիւն հարկերուն տակ Հայրենի.
Ընտանեկան սուրբ կըրակին օնախի,
Անմահացուց գեղմը ամբողջ պատմութեան,
Պատուախնդիր ընտանեկան Սըրբութեան:
Պատիւ Հայու ԸՆՏԱՆԵԿԱՆ ՍԸՐԲՈՒԹԵԱՆ:

* * *

Եւ պարմաններ թւերուն տակն անուրի,
Մագաղաթեա գըլաններով գուրգուրոտ,
Կըտրած ճամբայ գիշեր-ցերեկ անօթի,

Կանգ կառնէին Մասիսներու ըստորոտ:
 Ու կը բացուին դռներն լուսոյ տանարին,
 Երամ-երամ ներս կը մտնեն լոյսի ծարաւ հոգիներ,
 Ըմբռնելու լոյսն անկայծուած հանճարին,
 Ու այդ լոյսով լուսաւորել հազարներ:
 Ու դարերու ոսկի շրջափան կ'երկարի,
 Երգ շրթունքին, տառն իր սրբոյն անվարան,
 Անգոսնելով վիշտ, տառապանք դարերի,
 Հայ մանկտին կերթայ իր Սուրբ Վարժարան:
ՀԱՅՈՒ ԴՊՐՈՑ. երրորդ հոգին հայութեան:

Մեր գուսաններ երգովն իրենց անուանի,
 Գովք հիւսեցին դիւցազներուն հայրենի.
 Որ բոցերու մէջէն ծընած Վահագնի,
 Երգն ապրեցաւ դարերու մէջ պանծալի:
 Քերթող, գիտուն, պատմագիրներ յոյլ ի յոյլ,
 Հոգին հայուն լոյսով դարձրին միաձոյլ,
 Ճրագի լոյսով, աղով, հացով անմըռունչ,
 Ոսկեղենիկ դարձաւ լեզուն Աստուածաշունչ:
 Ու խօսեցան գիրքերն ամէն հայկեան լեզուով,
 Խաւարին դէմ պայքարեցաւ հայն իր հոգւով,
 Ճառագայթեց դարերի մէջ լոյս պանծալի,
 Լուսաւորեց աշխարհն հայոց իմանալի:
ՀԱՅ ԴՊՐՈՒԹԵԱՆ լոյս փարոսներն իմ ցեղի:

Եղեմական աշխարհը մեր արեւավառ,
 Որ առաջին լըսեց Աստծոյ ձայնին բարբառ,
 Դարձաւ դրախտ, Տուն ապաւէն Հայ ցեղին,
 Օրհներգութեան Սուրբ Տաճար մը Անեղին:
 Դարեր, դարեր վայրագ ցեղերըն ահագին,
 Բիրտ, կատաղած, ուժովն իրենց մոլեգին,
 Արիւն, աւեր, տարածելով անխափան,
 Մեր ողջ աշխարհ դարձաւ հայուն գերեզման:
 Բայց Յարութեան սուրբ հաւատով անսասան,
 Գերեզմանէն դէպ երկինքներ անսահման,
 Վերընձիւղուեց թարմ ծիլերը հայութեան,
 Նոր կեանք առաւ երկիր մեր ՄԱՅՐ ՀԱՅԱՍՏԱՆ:
ՆՈՐ ՀԱՅՐԵՆԻՔ, նոր ապաւէն Հայութեան:

Կալկաթա,

7 Սեպտ. 1965